



Pou Piblikasyon Imedya: 21/09/2023

GOUVÈNÈ KATHY HOCHUL

GOUVÈNÈ HOCHUL EGZÒTE NOUYÒKÈ YO POU YO PREPARE YO POU GWO LAPLI KI POSIB AK KONDISYON TANPÈT TWOPIKAL SEMÈN SA

Siklòn twopikal potansyèl k ap deplase sou kòt lès la, li prevwa afekte Vil New York, rejyon Long Island ak rejyon Mid-Hudson ak jiska de pous oswa plis lapli ak gwo van, prensipalman nan samdi

Nouyòkè yo ta dwe kontwole previzyon lokal yo, prepare fwaye yo ak machin yo pou konsekans gwo lapli yo, pran anpil prekosyon lè y ap vwayaje espesyalman toupre wout ak enfrastrikti ki inonde yo

Gouvènè Kathy Hochul ankouraje Nouyòkè yo jodi a pou yo prepare pou gwo lapli k ap kòmanse vandredi aswè epi k ap kontinye jiska samdi pandan yon potansyèl siklòn twopikal ap monte nan kòt lès Atlantik la. Jiska de pous lapli oswa plis, ak kantite lokalman ki pi wo, prevwa rive nan New York nan samdi, ansanm ak gwo van 38-64 km pa èdtan ak gwo vag, ki ka lakòz inondasyon nan zòn kotyè, ewozyon nan plaj ak kouranretou danjere. Sistèm presyon ba a gen potansyèl pou li afekte kominote yo ki lwen nan nò ansanm ak nan Rejyon Kapital la tou. Pa pridans, Gouvènè Hochul te mande administrasyon li a pou li prepare pou enpak move tan epi pou li pare pou sipòte ofisyèl lokal yo ak repons pou ijans yo.

"Yon sistèm metewolojik prevwa pote lapli ki modere ak gwo lapli ak gwo van, espesyalman nan Vil New York ak Long Island, apati Samdi", **Gouvènè Hochul te deklare.** "Administrasyon mwen an konplètman prepare pou reponn ak nenpòt ijans ki gen rapò ak move tan epi pou ede patnè gouvènman lokal nou yo. Mwen egzòte tout Nouyòkè yo pou yo siveye previzyon metewo yo ak anpil atansyon epi pou yo prepare yo pou yo aji, si sa nesèsè, pou pwoteje tèt ou ak lòt moun."

Pou kapab jwenn yon lis konplè sou alèt ak previzyon meteyo yo, vizite sit entènèt Sèvis Metewolojik Nasyonal (National Weather Service) la nan alerts.weather.gov. Nou ankouraje Nouyòkè yo pou yo enskri pou NY Alert, sistèm alèt ijans gratis Eta a, nan alert.ny.gov. Yo ka voye enfòmasyon ijans konte pa konte pa tèks oswa imèl.

Komisè Divizyon Sekirite Teritwa ak Sèvis pou Ijans Eta New York la (Division of Homeland Security and Emergency Services), Jackie Bray, te deklare, "Nou ap swiv ak anpil atansyon sistèm sa a. Li parèt plis pase yon wikenn plivyal, ki gen van yo

prevwa atravè zòn twa eta a. Kounye a se moman pou w prepare pou inondasyon potansyèl ak sekirite bagay ki deyò ki ta ka afekte pa gwo van yo. Si w ap vwayaje epi w rankontre wout ki inonde nan wikenn sa a, pa mache oswa pa kondwi ladan yo."

Preparasyon Ajans Eta yo

Divizyon Sekirite Teritwa ak Sèvis pou Ijans yo nan Eta New York

Sant Operasyon Ijans Divizyon Sekirite Teritwa ak Sèvis pou Ijans Eta New York la ap kontwole tan ak kondisyon deplasman yo, epi kowòdone tout bezwen repons yo ak gouvènman lokal yo. Tout biwo divizyon an prepare pou reponn ak pèsonèl ak resous, nan ka ta gen move tan twopikal.

Depatman Transpò Eta New York la

Depatman Transpò Eta a prepare pou reponn ak evènman meteyo avèk prèske 3,500 operatè ak sipèvizè ki disponib nan tout eta a. Kantite ekipman ki genyen nan tout Eta a repati konsa:

- 1,381 gwo kamyon abèn baskil
- 315 gwo chajè
- 85 dechiktèz
- 82 ekskavatis ak wou ak cheniy
- 30 platfòm tou trafik
- 17 kamyon aspiratè ak jè egou
- 15 ekip pou pyebwa avèk kamyon nasèl

Otorite Thruway

Pandan sezon siklòn 2023 a ap pwogrese, anplwaye Otorite Thruway yo ap kontinye kontwole previzyon ak enpak tan sou sistèm Thruway la. Otorite Thruway la gen 659 operatè ak sipèvizè ki prepare pou enspekte drenaj tanpèt yo atravè sistèm nan, fè ti ajisteman nan ekipman yo, epi tcheke pant wòch yo nan zòn ki sansib pou gwo lapli yo. Ekipman ki ka deplwayo enkli ekskavatis ki piti pou rive nan sa ki gen tay mwayen, kamyon chasnèj/baskil yo, gwo kamyon chajè yo, pano VMS pòtab yo, poto limyè pòtab yo, jeneratis ki pi piti yo, ponp ki pi piti ak trelè pou transpòte ekipman yo, ansanm ak aparèy siyalizasyon ak lòt aparèy kontwòl sikilasyon ki disponib pou nenpòt detou oswa fènti yo.

Otorite Thruway la ankouraje otomobilis yo telechaje li [aplikasyon mobil](#) li a kibay aksè dirèk ak kamera sikilasyon yo nan tan reyèl, enfòmasyon sou sikilasyon an nan tan reyèl, ansanm avèk asistans pou navigasyon pandan yo sou wout. Otomobilis yo ka enskri tou pou imèl [TRANSalert](#) ki bay dènye kondisyon sikilasyon yo sou otowout Thruway, suiv [@NYSThruway](#) sou Twitter epi vizite thruway.ny.gov pou wè yon kat anime k ap montre kondisyon sikilasyon an sou otowout Thruway ansanm avèk lòt wout Eta New York yo.

Depatman Konsèvasyon Anviwònmanal Eta New York la

Ofisye Lapolis Pwoteksyon Anviwònmantal DEC yo, Gad Forè yo, anplwaye Jesyon Ijans yo, ak anplwaye rejyonal yo ap siveye sitiyasyon ki ap devlope a ak previzyon metewo yo epi yo aktivman pral fè patwouy nan zòn ak enfrastrikti ki gen anpil chans pou yo afekte poutèt move tan. Tout resous ki disponib yo, ki gen ladan ekip rapid pou sovtajan nan dlo, yo nan pozisyon pou yo ede nan nenpòt repons ijans.

Biwo Pak, Lwazi ak Konsèvasyon Istorik

Lapolis Pak Eta New York ak anplwaye pak yo rete alètte epi y ap swiv depre kondisyon metewolojik ak enpak yo. Vizite pak yo ta dwe vizite [parks.ny.gov](https://www.parks.ny.gov), tcheke aplikasyon mobil gratis NY State Parks Explorer oswa rele biwo pak lokal yo pou yo jwenn dènye nouvèl konsènan lè fonksyonman pak yo, lè ouvèti ak fèmti yo.

Depatman Sèvis Piblik

Sèvis piblik New York yo genyen apeprè 5,500 travayè disponib pou angaje nan evalyasyon domaj, efò entèvansyon, reparasyon ak restorasyon atravè Eta New York, pou evènman sa a. Pèsonèl ajans lan ap swiv travay sèvis piblik yo pandan tout evènman an epi sire sèvis piblik yo voye anplwaye apwopriye yo nan rejyon ki gen pi gwo enpak yo.

Lapolis Eta New York

Lapolis Eta a prepare pou li deplwaye manm Patwouy anplis, jan sa nesesè, pou ede zòn ki afekte yo. Tout veyikil Lapolis Eta a ki espesyalize yo, tankou veyikil kat-pa-kat ak veyikil itilite yo (UTV) deja an pozisyon epi yo prè pou yo reponn imedyatman. Yo te teste tout ekipman alimantasyon elektrik ak ekipman kominikasyon ijans Twoup la yo.

Otorite Transpò Metwopoliten

Otorite Transpò Metwopoliten an ap siveye kondisyon meteyowolojik yo depre pou asire sèvis san danje ak fyab. Anplwaye MTA yo ap pare pou entèvni kont tout pwoblèm ki lye ak kondisyon meteyo yo.

Pou diminye chans pou inondasyon epi reponn a nenpòt ka inondasyon ki rive, ekip MTA yo pral enspekte drenaj nan zòn ki gen tandans inondasyon yo pou asire yo fonksyone, epi sipèvizè yo pral kontwole kote ki gen tandans inondasyon yo pou nenpòt rapò sou inondasyon pou asire gen repons rapid. Espesyalis asansè ak eskalye mekanik yo pral deplwaye nan kote ki gen tandans inondasyon yo pou ede nan nenpòt pwoblèm asansè ak eskalye mekanik ki gen rapò ak move tan.

Nan ka gwo van, MTA Bridges and Tunnels prevwa mete an aplikasyon yon entèdiksyon sou traktè-trelè ak kamyon tandem vid pandan peryòd gwo van yo. Pasaj pyeton yo sou pon yo ka fèmen tou akòz gwo van yo prevwa.

Kliyan yo ankouraje tcheke [new.mta.info](https://www.new.mta.info) pou dènye mizajou sou sèvis, ak pou itilize prekosyon pandan y ap navige sistèm lan. Kliyan yo tou ta dwe enskri pou sèvis alèt an tan reyèl yo atravè mesaj tèks oswa imèl. Alèt sa yo disponib tou atravè aplikasyon MTA yo: MYmta ak TrainTime.

Otorite Pòtyè

Otorite Pòtyè a ap siveye kondisyon meteyowolojik yo. Restriksyon pou vitès yo gendwa an vigè nan pon yo, ansanm ak wout pou ale ak pou sòti nan kafou yo. Yo ap ankouraje pasaje atravè enstalasyon Otorite Pòtyè yo pou kontakte konpayi otobis ak liy ayeryèn yo dirèkteman pou dènye enfòmasyon sou reta ak anilasyon.

Pou dènye enfòmasyon yo sou etablisman Otorite Pòtyè yo, tanpri tcheke rezo sosyal yo, enskri pou [alèt PA](#) yo oswa telechaje youn nan aplikasyon mobil PA yo, ki enkli [RidePATH](#) ki bay mizajou nan tan reyèl ak alèt pou sèvis PATH.

Konsèy Sekirite nan Ka Siklòn Twopikal pou Nouyòkè yo

Tout Nouyòkè ta dwe konnen kijan pou yo swiv tanpèt twopikal yo epi resevwa alèt alè ki fè yo konnen sa yo dwe fè pou yo rete an sekirite, enkli evakyasyon. Pi bon fason pou resevwa alèt meteyowolojik alè se lè w enskri nan [NY-Alert](#) yon sèvis gratis ki bay alèt sou move tan ak lòt alèt ki gen rapò ak ijans yo.

Pran mezi sa yo pou asire ou menm ak pwòch ou yo pwoteje:

- Devlope yon plan pou katastwòf nan kay la epi konnen kijan pou kontakte manm fanmi yo toutan. Idantifye yon zanmi oswa yon manm fanmi ki andeyò vil la ki dwe "kontak fanmi an nan ka ijans" epi asire w ke tout manm fanmi yo gen enfòmasyon kontak la.
- Deziyen yon pwen pou reyini an ijans - yon kote abityè kote fanmi an ka rankontre si yo pa ka jwenn aksè ak rezidans lan.
- Konnen risk siklòn ak tanpèt ki genyen nan kominote w la.
- Si w abite toupre zòn kotyè yo, enfòme w sou istwa vag tanpèt zòn ou an ak siyal avètisman ak plan evakyasyon kominote w la, ki gen ladan wout ki an sekirite alentery tè yo ak koteabri ofisyèl yo ye.
- Konnen ki kote pou deplase bèt kay yo pandan yon tanpèt - pifòabri yo pa pral pèmèt bèt kay.
- Metee founiti sa yo pare:
 - Ase manje ki pap gate ak rezèv dlo pou 10 jou.
 - Radyo ak flach ki fonksyone ak pil ak yon kantite pil.
 - Yon bwat premye swen ak rezèv medikaman.
 - Dokiman epòtan yo: Règleman asirans, dosye medikal, nimewo kont labank, kat Sekirite Sosyal, elatriye nan yon resipyan ki enpèmeyab.
 - Lajan kach, chekye, kat kredi ak kat ATM.
 - Yon lis kontak pou ijans moun ak òganizasyon ke yo ka bezwen rele: kontak lekòl, doktè, founisè, ak kontak asirans.
- Pran mezi prevansyon sa yo:
 - Achte api sere materyèl, tankou playwoud, ki nesèsè pou sekirize kay ou kòrèkteman
 - Repare goutyè ak kolòn ki lach oubyen ki bouche yo.

- Sekirize oswa pote andedan mèb ki sou gazon ak lòt objè ki lach, ki lejè tankou poubèl ak zouti jadinya yo ki ka vin tounen pwojektal nan gwo van. Epi tou koupe branch bwa ki mouri nan gwo oswa nan ti pye bwa yo.
- Revize règleman asirans pou detèmine limit kouvèti asirans lan anvan yon tanpèt frappe.
- Detèmine ki kote pou deplase bato yo nan yon ijans.
- Ou dwe okouran de kondisyon metewolojik lokal yo lè w koute emisyon Sèvis Metewolojik Nasyonal la sou Radyo Meteyo NOAA ak rapò ki soti nan estasyon televizyon ak radyo lokal yo.
- Konnen kijan pou fèmen kouran, chalè ak dlo lakay ou.

Enfòmasyon sou Divizyon Sekirite Teritwa ak Sèvis pou Ijans

[Divizyon Sekirite Enteryèk Sèvis pou Ijans yo](#) (Division of Homeland Security and Emergency Services, DHSES) ofri direksyon, kowòdonasyon ak soutyen pou anpeche, pwoteje kont, prepare pou, reponn a, rekipere apre, epi diminye katastwòf ak lòt ijans. Pou plis enfòmasyon, swiv [@NYSDHSES](#) sou Facebook, Instagram, ak X (Anvan li te rele Twitter) oswa vizite dhses.ny.gov.

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418

[ANILE ENSKRIPSYON OU](#)